



Jednanski porjad gmejnskeje rady Gmejny Worklecy

Na zakładže § 38 wotst. 2 gmejnskeho porjada Swobodneho stata Sakskeje w aktualne płaćiwej formje je gmejnska rada gmejny Worklecy dnja 14.08.2024 slědowacy jednanski porjad wobzamknyła:

Prěni dźěl Powšitkowne postajenja

§ 1 Zestawa gmejnskeje rady

Gmejnska rada wobsteji z gmejnskich radžičelov/radžičelkow a wjesnjanosty jako předsyda.

§ 2 Frakcije

1. Gmejnscy radžičeljo móža so do frakcijow zjednoći. Tute su dźěl gmejnskeje rady. Frakcije su na wěsty čas zapołożene zjednočenja znajmješa dweju gmejnskeju radžičelov, mjez kotrymiž zasadna politiska přezjednosć knježi. Jednotliwy gmejnski radžičel móže jenož jednej frakciji přislúšeć.
2. Wutworjenje, změna a rozpuščenie jedneje frakcije, jeje pomjenowanja, měno předsydy, naměstnika kaž tež měna čłonow maja so wjesnjanosće pisomne zdželić. Zdželence ma so frakciske dojednanje we wjacorych eksemplarach přidać. Hdyž njejsu so čłonojo frakcije na zakładže samsneho wólbneho namjeta do gmejnskeje rady wuzwolili a frakciske dojednanje k tomu ničo njewupraji, ma so wjesnjanosće přidatnje k zdželence zapodać stejnisko wo zhromadnje přewidzanych komunalnopolitiskich zaměrach, kotrež maja wšitcy čłonojo frakcije podpisać.
3. Frakcije maja samsne prawa kajkež maja je jednotliwi gmejnscy radžičeljo abo skupiny gmejnskich radžičelov po SächsGemO. Zapadadža-li so próstwy, z wuwzaćom dohlada do podłožkow po § 28 wotst. 5 SächsGemO a próstwy k dnjomemu porjadej po § 36 wotst. 6 SächsGemO ma sylnosć frakcije spjelnić wot SächsGemO postajeny quorum.

Druhi dźěl

§ 3 Prawniske stejiščo gmejnskich radžičelov/radžičelkow

- (1) Gmejnscy radžičeljo wukonjeja swoje zastojnstwo čestnohamtsce. Wjesnjanosta spřisaha gmejnskich radžičelov w prěnim posedženju zjawnje k swědomitemu spjelnjenju jich winowatosćow.
- (2) Gmejnscy radžičeljo wukonjeja swoje zastojnstwo po zakonju a swojim, powšitkownemu derjeměću winowatemu, přeswědčenju. Na winowatosće a nadawki, kotrež tutu swobodu wobmjezuja, njejsu wjazani.

§ 4 Prawo na informaciju a naprašowanje

- (1) Džesatk gmejnskich radžičelov móže we wšitkich naležnosćach gmejny žadać, zo wjesnjanosta gmejnsku radu informuje a jim dohlad do podłožkow dowoli. Prawo, sej žadać dohlad do podłožkow přisteji tež jednej frakciji. We wuběrkach maja być stayerjo tajkeje próstwy z čłonom.

- (2) Kóždy gmejnski radžícel/kóžda gmejnska radžícelka móže so na wjesnjanostu pisomne abo w posedženju tež ertnje z próstwu k naležnosćam gmejny wobroćić. Wuradžowanje k naprašowanjam so njewotměje. Wotmołwa na prašenja ma so w přiměrjenym času, kotryž je zasadnje na štyri tydženie postajeny, podać.
- (3) Pisomne naprašowanja maja so najpozdžišo pjeć dnjow do přichodneho posedženja gmejnskeje rady wjesnjanosće zapodać. Wotmołwić ma so pisomne, hdyž sej to próstwustajer přeje.
- (4) Ertne prašenja maja so tež po dokónčenju dnjoweho porjada posedženja gmejnskeje rady na wjesnjanostu stajić. Prašenja njesmědža so na naležnosće wotměteho posedženja gmejnskeje rady počahować. Wone maja być krótke a krótku wotmołwu zmóžnić. Próstwustajer smě jeničke přidatne prašenje stajić. Njej-li móžno, hnydom wotmołwić, móže so próstwustajerzej zdželić, zo so na přichodnym posedženju gmejnskeje rady wotmołwi abo wón dóstanie pisomnu wotmołwu.
- (5) Prawo na informaciju a dohlad do podłożkow je přez prawa třećich wobmjezowane a njesmě so znjewužiwajo nałożować. Naležnosće, kotrež maja so tajne dzeržeć po § 53 wotst. 3 sada 3 SächsGemO njesmědža być wobstatk prawa na informaciju a dohlad do podłożkow. Naprašowanja po wotst. 2 smědža so nimo toho wotpokazać, hdyž
 - a) njewotpowěduja postajenjam wotstawkow 2 do 4,
 - b) je so požadana informacija samsnemu abo druhemu próstwustajerzej w běhu posledních šěsc měsacow hižo podała a so prawniske kaž tež wěcowne połoženie w tym času změnilo njeje,
 - c) sej wotmołwa pozdatnje z njesměrnje wjele džělom zwjazana.

§ 5 Wukonjenje mandata a winowatosć k mjelčenju

- (1) Gmejnscy radžíceljo maja jim dowěrjene nadawki njesebičnje a zamołwiće spjelnić. Gmejnscy radžíceljo maja wosebitu winowatosć k swěrje napřećo gmejnje. Gmejnscy radžíceljo njesmědža prawa a zajimy druhich napřećo gmejnje wužadać, hdyž njejednaja jako zakonscy zastupjerjo.
- (2) Gmejnscy radžíceljo su k mjelčenju wo wšitkich naležnosćach winowaći, kotrych zatajenje je zakonsce předpisane, wosebje přikazane abo po jich kajkosći trěbne. Woni njesmědža wědu wo tajnych naležnosćach njewoprawnjeni wužiwać. Tute winowatosće wobsteja tež po zakónčenju čestnohamtskeje džěławosće dale. Zatajenje móže so jenož z přičin zjawneho derjeměća abo k škitej wopravnjenych zajimow jednotliwcov přikazać. Přikaz ma so zběhnyć, ručež njeje hižo wopravnjeny.
- (3) Gmejnscy radžíceljo a wjesnjanosta su winowaći k mjelčenju wo wšitkich naležnosćach, kotrež su so w njezjawnych posedženjach wobjednawali, doniž gmejnska rada w přezjednosći z wjesnjanostu winowatosć k mjelčenju njezběhnje. To njeplaći za wobzamknjenja , kotrež su so po § 11 wotst. 3 wozjewili.

Třeći džěl
Jednačelstwo gmejnskeje rady

Prěni wotrézk

Přihot posedženjow gmejnskeje rady

§ 6 Zwołanje posedženja

- (1) Wjesnjanosta zwoła gmejnsku radu pisomnje abo elektronisce z přiměrjenej dobu, poprawom cyłe sydom dnjow před posedženjom a zdželi sčasom naležnosće kotrež maja so wobjednawać; k tomu maja so za wuradżowanje trěbne podłożki přidać, hdyz tomu zjawne derjeměče abo woprawnjene zajimy jednotliwcov napřečo njesteja. Wobšérne podłożki móža so hižo do posedženja elektronisce sposřdkować, měli pak na posedženju w jednorej formje k dohladej pisomnje předležeć. Gmejnska rada ma so zwołać, hdyz sej to połoženie žada. Člonovo gmejnskeje rady maja winowatosć, wjesnjanosće bjez komdženja změnu adresy za pisomne kaž tež elektroniske přeprošenje zdželić.
- (2) Gmejnska rada ma so bjez komdženja zwołać, hdyz sej to pjećina gmejnskich radžícelow z podačom naležnosće, kotař ma so wobjednawać, žada. Wotstawk 2 sada 1 płaći wotpowědnje.
- (3) W jednotliwych padach móža so gmejnska rada bjez podača časa, bjez formy a z podačom naležnosće, kotař ma so wobjednać, zwołać

§ 7 Nastajenje dnjowego porjada

- (1) Wjesnjanosta nastaji dnjowy porjad w swójskej zamołwitosći.
- (2) Na próstwu znajmjeńša pjećiny gmejnskich radžícelow abo jedneje frakcije ma so naležnosć k wobjednanju najpozdžišo na dnjowy porjad zapřichodneho posedženja gmejnskeje rady stajić, hdyz njeje so gmejnska rada ze samsnej naležnosću hižo w běhu minjených šesc měsacow zaběrała abo hdyz je so z wokomika wobjednanja naležnosće wěcne abo prawniske połoženie bytostnje změnilo. Naležnosće k wobjednanju maja być relevantne za gmejnsku radu.
- (3) Wjesnjanosta postaji rjad jednotliwych naležnosćow k wobjednanju a postaji wobkedažbujo zakonske předpisy, kotre naležnosće maja so w njezjawnym posedženju wuradžować.
- (4) Wjesnjanosta ma prawo hač k zahajenju posedženja naležnosće k wobjednanju wzać z dnjowego porjada, hdyz so njejedna wo naležnosće po § 6 wotst. 3 a § 7 wotst. 2 a 3 .
- (5) Wjesnjanosta móža dnjowy porjad bjez dodžerženja trěbneje doby přeprošenja rozšerić, hdyz su wuměnjenja jednotliwego padu date.

§ 8 Wuradžowanske podłożki

- (1) Podłożki za wuradżowanje su za gmejnskich radžícelow postajene. Wona maja předstajić wěcowny a prawniski stav a měli wobsahować namjet wobzamknjenja.
- (2) Wuradžowanske podłożki njesmědža so bjez přihłosowanja wjesnjanosti na třećich dale dać.
- (3) Před a mjez posedženjemi gmejnskeje rady informuje so gmejnska rada wo wažnych komunalnych aktiwitach, prašenjach a poskitkach přez e-mejlku. To same płaći tež za předlohi na blido a přidatne podłożki za wuradżowanja. § 8 (2) płaći wotpowědnje.

§ 9 Wozjewjenje po zwučenym wašnju

Čas, městnosć a dnjowy porjad zjawneho posedženja maja so wot wjesnjanosty sčasom, samo na sebi sydom cyłych dnjow před dnjom posedženja, na zwučene wašnje wozjewić. To njepłaći za zwołanie gmejnskeje rady w nuznych padach.

Druhi wotrězk

Přewjedženje posedženjow gmejnskeje rady

§ 10 Winowatosć, so wobdzelić

Gmejnscy radžiēlo su winowaći, so na posedženjach wobdzelić. W padže zadžewanja z woprawdžitych abo prawniskich přičinow ma so to z podačom přičiny bjez komdženja, najpozdžišo pak k zahajenju posedženja wjesnjanosće zdželić. Winowatosć k zdželenju wobsteji tež w tym padže, hdyž ma gmejnski radžiēl posedženje dočasne wopušćić.

§ 11 Zjawność posedženjow

- (1) Posedženja gmejnskeje rady su zjawne, hdyž sej zjawne derjemēće abo woprawnijene zajimy jednotliwcow njezjawne posedženje žadaja. K zjawnym posedženjam gmejnskeje rady ma kózdy přistup hdyž to rumnostne poměry dowola.
- (2) W běhu zjawneho posedženja su nahrawanja abo natočenja zwuka abo wobrazow, kotrež njejsu za zhotowjenje protokola po § 40 SächsGemO trěbne, jenož z dočasnej pisomnej dowolnosću wjesnjanosty dowolene. Dowolić nima so to wosebje potom, hdyž so wotběh porjadneho posedženja myli.
- (3) W njezjawnych posedženjach wobzamknjene naležnosće maja so w zjawnych posedženjach wozjewić, hdyž tomu zjawne derjemēće abo woprawnijene zajimy jednotliwcow napřećo njesteja.

§ 12 Předsydstwo gmejnskeje rady

- (1) Předsydstwo gmejnskeje rady ma wjesnjanosta. Wón zahaji posedženje a wjedže wuradžowanja gmejnskeje rady. Wjesnjanosta móže wjedženje wuradžowanja na druheho gmejnskeho radžiēla wotedać.
- (2) Při woprawdžitym abo prawniskim zadžewanju wjesnjanosty přewozmje jeho zastupjer po § 54 wotst. 1 SächsGemO předsydstwo. Je postajeny zastupjer dočasne njepřitomny abo w padže zadžewanju wjesnjanosty ma gmejnska rada bjez komdženja jednoho abo wjacorych zastupjerow znova abo za čas zadžewanja přidatnje postajić. Hač k tutому postajenju přewozmje najstarši, nic zadžewany člon gmejnskeje rady nadawki zastupowaceho wjesnjanosty.

§ 13 Wobzamknjenjakmanosć gmejnskeje rady

- (1) Před zahajenjom dnjowego porjada zwěści wjesnjanosta porjadne zwołanie kaž tež wobzamknjenjakmanosć gmejnskeje rady, skedźbni gmejnskich radžiēlow na to, zo płaća misnjenja při zwołaniu jako wurunane, hdyž so zmylki najpozdžišo při zahajenju dnjowego porjada posedženja njepřizjewja a da to w protokolu zapisać.

- (2) Gmejnska rada je wobzamknjenjakmana, hdyž je znajmjeňša połojca člonow přitomna a woprawnena hłosować. Při zajatosći wjac hač połojcy wšitkich člonow je gmejnska rada wobzamknjenjakmana, hdyž je znajmjeňša jedna štwórcina wšitkich člonow přitomna a woprawnena hłosować.
- (3) Njeje-li gmejnska rada wobzamknjenjakmana, dyrbi so druhe posedźenje wotměć, hdyž je gmejnska rada wobzamknjenjakmana, hdyž su znajmjeňša tři člonojo přitomni a woprawnjeni hłosować; při zwołanju druheho posedźenja ma so na to skedźbnić. Druhe posedźenje so njewotměje, hdyž su mjenje hač třo člonojo woprawnjeni hłosować.
- (4) Njej-li gmejnska rada tež w drugim posedźenju po wotstawku 3 dla zajatosće člonow wobzamknjenjakmana, rozsudži wjesnjanosta město rady po slyšenju nic zajatych gmejnskich radžícelow. Su tež wjesnjanosta a jeho zastupjer zajate, móže gmejnska rada hłosakmaneho člona za rozsud jako zastupjerja wjesnjanosty postajić. Njepostaji so žadyn hłosakmany člon jako zastupjer wjesnjanosty, zakónči wjesnjanosta dypk dnjoweho porjada a informuje prawnisko dohladowanski zarjad.

§ 14 Zajatosć člonow gmejnskeje rady

- (1) Člon gmejnskeje rady, pola kotrehož wobsteji podhlad, zo je zajaty po § 20 wotst. 1 SächsGemO, ma to na spočatku wuradżowana k tutej naležnosći wjesnjanosće zdželić. Štóž je w zmysle § 20 SächsGemO zajaty, njesmě wuradżujo a tež nic wothłosujo na naležnosći sobu skutkować a dyrbi posedźenje wopušćić. Jeli je posedźenje zjawne, smě zajaty gmejnski radžíel jako hosć přitomny być.
- (2) Hač předleži přičiny za zajatosć we wosobje člona gmejnskeje rady, rozsudži w dwělomnym padże gmejnska rada a to w njepřitomnosći potrjecheneho.

§ 15 Wobdželenje na posedźenjach gmejnskeje rady

- (1) Gmejnska rada móže wěcywustojnych wobydlerjow a fachowcow jako poradźowarjow w jednotliwych naležnosćach zapřijeć. Na wobzamknjenjach tuthich naležnosćow njesmědža so přeprošeni wobdželić.
- (2) Při přihotach ważnych rozsudow móže gmejnska rada potrjechenym wosobam a skupinam wosobow składnosć dać, swoje stejiščo přednjesć, hdyž njeje slyšenje hižo zakonsce předpisane. Na wuradżowanju a wobzamknjenju njesmědža so prošeni wobdželić.
- (3) Gmejnska rada móže na zjawnych posedźenjach wobydlerjam a jim po § 10 wotst. 3 SächsGemO runostajenym wosobam kaž tež zastupjerjam wobydlerskich iniciatiwow móžnosć dać, prašenja k naležnosćam gmejny stajeć abo pokiwy a nastorki zapodać (wobydlerska hodžina). K prašenjam zabjerje wjesnjanosta abo społnomócnjeny stejiščo. Hdyž njeje hnydomne wotmołwjenje móžne, tak móže so naprašowacemu pisomna wotmołwa poskićić. Přizjewja so wjacori z prašenjem runočasne, postaji wjesnjanosta slěd prašenjow. Kóždy z prašenjom smě jenož jedne přidatne prašenje stajić. Wuradżowanje so njewotměje.
- (4) Wjesnjanosta móže přednošowanje w posedźenjach gmejnskeje rady přistajenemu gmejny přepodać; na próstwu gmejnskeje rady dyrbi wón tajkeho k wěcownym informacijam zapřijeć.

§ 16 Změna a rozšerjenje dnjoweho porjada

- (1) Gmejnska rad móže po zahajenju dnjoweho porjada wobzamknyc,
- změnu slěda naležnosćow, kotrež maja so wuradżować,

- b) naležnosće, kotrež maja so wuradżować pak dželić pak mjez sobu zwjazać,
 - c) naležnosć, kotař bě za zjawny džel posedženja předwidżana do njezjawneho džela přepołožić, hdyž sej to zjawne derjeměće abo woprawnjenie zajimy jednotliwcow w zmysle § 37 wotst. 1 SächsGemO žada,
 - d) naležnosć, kotař je za njezjawny džel posedženja předwidżana do zjawneho džela přepołožić, hdyž žane přičiny zjawneho derjeměća abo woprawnjenie zajimy jednotliwcow w zmysle § 37 wotst. 1 SächsGemO njepředleža.
- (2) Wo próstwach z rjadow gmejnskeje rady, naležnosć, kotař je za zjawny abo njezjawny džel posedženja předwidżany wuradžuje a rozsudži so w njezjawnym posedženju. Wobzamknje-li gmejnska rada, naležnosć w zjawnym posedženju wobjednać, tak ma wjesnjanosta tutu na dnjowy porjad přichodneho posedženja gmejnskeje rady stajić.
- (3) Dnjowy porjad w zjawnym posedženju móže so wot wjesnjanosty rozšerić, hdyž jedna so wo naležnosće, kotrež su po § 36 wost. 3 sada 6 SächsGemO nuzne a wšitcy člonovo gmejnskeje rady přitomni su. Njejsu-li wšitcy gmejnscy radžiceljo přitomni, maja so njepřitomni radžiceljo nje formalnje a z podaćom naležnosće tak přeprasyć, zo móža přepršenju sčasom sčehowac. Rozšerjenje dnjowego porjad ma so w protokolu dokumentować.
- (4) Rozšerjenje dnjowego porjada njezjawneho posedženja přez wjesnjanostu je dowolene, hdyž tomu wšitcy radžiceljo přihłosuja.

§ 17 Porjad rěčenja

- (1) Wjesnjanosta narěči kózdy dypk dnjowego porjada po předwidżanym abo wobzamknjenym porjedze z mjenowanjom naležnosće kotař ma so wuradżować a přepoda naležnosć k wuradżowanju. Wuradžuje so k jednej naležnosći, kotař je so na próstu znajmjeňa jedneje pječiny gmejnskich radžicelow abo jedneje frakcije na dnjowy porjad stajiła, ma so spočatnje próstwustajerzej dać składnosć, próstu wopodstatnić. Hewak jima so, hdyž je rozprawa předwidżana, referent słowa.
- (2) Štóż chce so słowa jimać, ma so z pozběhnjenom ruki přizjewić. Přizjewja so wjacori člonovo gmejnskeje rady runočasne, tak postaji wjesnjanosta rjad rěčenja. Wobdželničko wuradżowanje smě so hakle potom słowa jimać, hdyž jemu to wjesnjanosta dowoli.
- (3) Zwonka rjadu smě so słowa jimać, štóż chce próstu k jednanskemu porjadej stajić.
- (4) Wjesnjanosta móže so po kózdom rěčniku słowa jimać; wón smě runje tak přednošowacemu, zapřijatym wěcywustojnym wobydlerjam, přistajenym gmejny abo wěcywustojnym słowo přepodać abo jich namołwić, stejiščo zabrać.
- (5) Čas rěčenja je samo na sebi maksimalnje pjeć mjeňšinow. Čas móže so na wobzamknjenje gmejnskeje rady podlěšić abo skrótšić. Člon gmejnskeje rady smě maksimalnje dwójce k samsnej naležnosći rěčeć; prósty k jednanskemu porjadej su při tym wuwzate.

§ 18 Próstwy k jednanskemu porjadej

- (1) Próstwy k jednanskemu porjadej smědža so kózdočasne wot kózdeho člona gmejnskeje rady zapodać. K tomu słuša slědowace prósty:
 - a) zakónčenje wuradżowanja,
 - b) zakónčenje lisćiny rěčnikow,
 - c) přepodaće na wuběrk abo na wjesnjanostu,
 - d) přestorčenje,
 - e) přetorhnjenje abo skónčenje posedženja,

- f) wuzamknjenje abo wozrodženej zjawnosće,
 - g) wothłosowanje po mjenje abo tajne,
 - h) přechod na dnjowy porjad.
- (2) Próstwy k jednanskemu porjadej přetorhnu wěcne wuradżowanje. Nimo próstwustajera a wjesnjanosty dóstanie jedyn rěčnik frakcije a žanej frakciji njepřislušacy radžičeljo składnosć, so wuprajić k próstwje k jednanskemu porjadej.
- (3) Wo próstwach k jednanskemu porjadej ma gmejnska rada wosebje, dočasne rozsudźić. Staja-li so runočasne wjacore próstwy k jednanskemu porjadej, tak ma so wo najdale sahacej próstwje jako přenjej wothłosować. W dwělomnych padach postaji wjesnjanosta porjad wothłosowanja.
- (4) Próstwa k zakónčenju wuradżowanja abo na skónčenie lisćiny rěčnikow smě so hakle potom zapodać, hdyž je kózda frakcija a žanej frakciji njepřislušacy gmejnscy radžičeljo składnosć měli, so jónu słowa jimać. Přiwza-li so próstwa wo skónčenie lisćiny rěčnikow, smědža jenož hišće či gmejnscy radžičeljo k wěcy rěčeć, kotřiž su za čas stajenja próstwy na lisćinje stali.

§ 19 Wěcowne próstwy

- (1) Kózdy člon gmejnskeje rady ma prawo, ke kózdej naležnosći kotař ma so wuradżować, stajić próstwu, zo by so docpělo rozrisanje w tej naležnosći (wěcowna próstwa). Próstwy maja so do zakónčenja wuradżowanja wo tutej naležnosći stajić a maja měć namjet, wo kotrymž hodži so wothłosować. To płaći tež za přidatne próstwy abo próstwy k rozšerjenju. § 19 wotst. 3 sada 2 a 3 płaća wotpowědnje.
- (2) Próstwy kotrež zamóženje, stav doňa abo hospodarski plan gmejny njemało wobwliwu (finančne próstwy), wosebje změny wudawkow a dochodow abo změnu wuplaćenjow a zaplaćenjow w hospodarskim planje zawińuć, dyrbja być po zakonskich postajenjach zwiazane z namjetom jich móžnego kryća.

§ 20 Wobzamknjenja

- (1) Gmejnska rada wobzamknje z wothłosowanjom a wóliami. Wjesnjanosta je woprawnjeny hłosować, jeli SächsGemO ničo druhe njepostaji.
- (2) Wjesnjanosta ma so před kózdom wobzamknjenjom wuradżowaneje naležnosće wo tym přeswědčić, hač je gmejnska rada wobzamknjenjakmana.

§ 21 Wothłosowanja

- (1) Gmejnska rada wothłosuje samo na sebi zjawnje. Wothłosuje so z pozběhnjenjom ruki, jeli gmejnska rada w jednotliwym padže něšto druhe njewobzamknje.
- (2) Z wažnych přičin móže gmejnska rada tajne wothłosowanje wobzamknyć. Tajne wothłosowanje wotměje so z wotedaćom hłosowských lisćikow.
- (3) Gmejnska rada ma po mjenje wothłosować, hdyž pjećina člonow gmejnskeje rady za to próstwu staji. Při wothłosowanju po mjenje ma so wothłosowanje kóždeho jednotliwego člona gmejnskeje rady w protokolu dokumentować. Staji-li so za samsnu naležnosć próstwa wo wothłosowanje po mjenje kaž tež tajne wothłosowanje, ma so próstwje wo tajne wothłosowanje přizwolić.
- (4) Wobzamknjenja tworja so z wjetšinu hłosow. Při runosći hłosow je próstwa wotpokazana. So hłosa wzdaće so při zwěśczenju wjetšiny hłosow njewobkedźbuje.
- (5) Wuslědk wothłosowanja wozjewi wjesnjanosta a to so do protokola zapisa.

(6) Wo wěcach jednoreje hódnaty a mało woznama móže gmejnska rada pisomnje abo elektronisce rozsudźić. Z tym zwisowaca próstwa je přiwzata, hdyž žadyn člon gmejnskeje rady njeznapřećiwi.

§ 22 Wólby

- (1) Wólby wotměja so tajne z hłosowanskimi lisćikami; móže so zjawnje wolić, hdyž tomu žadyn člon njeznapřećiwi. Woleny je, štóż je wjetšinu hłosow přitomnych hłosowanja kmanyh dostał. Njedocpěje so při wólbach tajka wjetšina, wotměja so mjez kandidatomaj z najwjac hłosami rozsudne wólby, při kotrychž jednora wjetšina wotedatych hłosow rozsudźi. Při runosći hłosow rozsudźi los. Jeli je jenož jedyn kandidat k wólbam, wotměje so w padze sady 3 druhi wólbny přeběh, při kotrymž jednora wjetšina wotedatych hłosow dosaha.
- (2) Hłosowske lisćiki ma wjesnjanosta měć přihotowane. Kóždy kandidat so na hłosowski lisćik z mjenom napisa a dóstanie wotmjezowany wotrězk samsneje wulkosće na lisćiku. Hłosowski lisćik ma tajki być, zo njeje po woznamjenjenju a sfałdowanju wothłosowanje spóznać. Wotměja-li so wjacore wólby w samsnym posedzenju gmejnskeje rady, maja so hłosowske lisćiki po barbje widżomnje rozeznawać.
- (3) Hłosowske lisćiki maja so wot hłosowanja kmanyh člonow gmejnskeje rady njedwělomnje woznamjenić. Njewupjelnjene hłosowske lisćiki liča so jako hłosa wzdaće. Hłosowske lisćiki, na kotrychž je "haj" abo "ně" napisane, su njepłaćiwe, chiba zo ma so jenož jedna wosoba wolić.
- (4) Wjesnjanosta zwěści z pomocu wosoby, kotruž gmejnska rada postaji abo přistajeneho gmejny wusłědk wólbów a wozjewi to gmejnskej radže.
- (5) Ma so losować tak ma gmejnska rada k tomu jednoho člona postajić. Wjesnjanosta abo w jeho nadawku jedyn přistajeny gmejny zhotowi w njepřitomnosći za losowanje postajeneho člona gmejnskeje rady losy. Wotběh losowanja ma so w protokolu dokumentować.

§ 23 Porjadniska móc a domowe prawo wjesnjanosty

- (1) Wjesnjanosta wukonja porjadnisku móc a ma domowe prawo. Jeho porjadniskej mocy a domowemu prawu posteja wšitke wosoby, kotrež za čas posedzenja gmejnskeje rady we wuradżowanskej rumnosći přebywaja. Štóż so jako připosluchar njeporjadnje zadžerži abo na hinaše wašnje česć zhromadźizny zrani, móže so přez wjesnjanostu k porjadej napominać a z rumnosće wupokazać, hdyž so porjad na hinaše wašnje zaručić njehodži.
- (2) Nastanje za čas posedzenja gmejnskeje rady mjez připoslucharjemi njeměr, tak móže wjesnjanosta po spočatnym napominanju za připoslucharjow předwidžane městna wuradżowanskej rumnosće dać rumować, hdyž so mylaty njeměr na druhe wašnje wotstronić njehodži.

§ 24 Napominanje k porjadej a sčazanje słowa

- (1) Rěčnikow, kotriž so wot temy wotsala, móže wjesnjanosta k wěcy rěčeć napominać.

- (2) Rěčnicy, kotříž so bjez toho, zo bu jim slowo přepodate, слова jimaja abo předpisany resp. wot gmejnskeje rady wobzamknjeny čas rěčenja najebać wotpowědneho napominanja překroča, móže wjesnjanosta k porjadej napominać.
- (3) Je-li rěčnik hižo dwójce napominanje, wěcy rěčeć (wotst.1) abo napominanje k porjadej (wotst. 2) dóstał, tak móže jemu wjesnjanosta słowo sčazać, hdýž rěčnik přičinu k dalšej porjadnej naprawje skíći. Rěčnikej, kotrejuž bu słowow sčazane, njesmě so w samsnym posedženju k wotpowědnej naležnosći znova słowo přepodać.

§ 25 Wuzamknjenje z posedženja, sčazanje zarunanja za posedženje

- (1) Při hrubych přeńdženjach přeciwo porjadej móže so člon gmejnskeje rady wot wjesnjanosty z wuradżowanskeje rumnosće wupokazać. Z wuzamknjenjom z posedženja zhubi wón tež prawo na zarunanje za tute posedženje.
- (2) Při wospjetnych přeńdženjach po wotstawku 1 móže gmejnska rada čłona za wjacore, znajmjeńša pak za tři posedženja wuzamknyć.
- (3) Wotstawkaj 1 a 2 płaćitaj wotpowědnje za druhe wosoby, kotrež so po § 16 na posedženjach gmejnskeje rady wobdžela.

TŘEĆI WOTRĘZK

Protokol wo posedženjach gmejnskeje rady, informacije za zjawnosć

§ 26 Protokol wo posedženjach gmejnskeje rady

- (1) Wo bytostnym wobsahu wuradżowanjow gmejnskeje rady ma so zhotowić protokol. Wón ma wopřijeć wosebje:
 - a) mjeno předsydy,
 - b) ličbu přítomnych a mjena njepřítomnych z podaćom přičiny njepřítomnosće
 - c) naležnosće wuradżowanja,
 - d) próstwy k wěcy a k jednanskemu porjadej,
 - e) wuslědkи wothłosowanja a wólbow a
 - f) posłownje wobzamknjenja gmejnskeje rady.
- (2) Protokol ma wobsahować zjednorjene zasopodaće wotběha wuradżowanjow. Předsyda a kóždy člon gmejnskeje rady móže žadać. Zo jich wuprajenja abo wothłosowanje so do protokola zapisa.
- (3) Protokol wjedze pisar, kotrehož wjesnjanosta postaji. Wjesnjanosta móže přistajeneho gmejny abo čłona gmejnskeje rady za to postajić.
- (4) Protokol ma so wot předsydy, dweju gmejnskeju radžícelow, kotrajž staj so na posedženju wobdželitoj a wot pisarja podpisać. Gmejnskeju radžícelow postaji gmejnska rada. Hdýž njeje jedyn z podpisarjow z jednotliwymi dypkami protokol přezjedny abo njemóža so podpisarjo wo wobsahu protokola dojednać, móža so wo wotpowědnych znapřećiwjenjach přispomnjenje přidać.
- (5) Protokol ma so w běhu jednoho měsaca, samo na sebi najpozdžišo k přichodnemu posedženju gmejnskeje rady tutej wozjewić. Wo znapřećiwjenjach přeciwo protokolej rozsudži gmejnska rada.
- (6) Dohlad do protokola wo zjawných posedženjach je wobydlerjam gmejny dowoleny. Kopije protokolow njezjawných posedženjow nimaja so ani čłonam gmejnskeje rady ani dalšim wosobam dać.

§ 27 Informowanje zjawnosće

- (1) Wo bytostnych wobsahach wobzamknjenow zjawnych posedženjow gmejskeje rady ma so zjawnosć na přiměrjene wašnje informować. Wozjewjenje je naležnosć wjesnjanosti, kotryž tež wo tym rozsudži, na kotre wašnje so zjawnosć informuje.
- (2) Informacie po wotst. 1 płaća tež za wobzamknjenja gmejskeje rady na njezjawnych posedženjach, hdyž su so tute w zjawnych posedženjach wozjewili.

ŠTWÓRTY DŽĚL

Kónčne postajenja, nabyće płaciwosće

§ 28 Kónčne postajenja

Kóždemu čłonej gmejskeje rady ma so jedyn eksemplar tutoho jednanskeho porjada přepodać. Jeli so jednanski porjad w běhu wólbe neje periody změni, tak ma so tež změnjenia wariantu přepodać.

§ 29 Nabyće płaciwosće

Tutón jednanski porjad nabudže z dnjom wobzamknjenja přez gmejnsku radu płaciwosć. Runočasne zhobi dotalny jednanski porjad z dnja 17.12.2010 a prěnja změna tutoho z dnja 16.12.2011 swoju płaciwosć.

Worklecy, dnja 15.08.2024

Clemens Poldrack/ wjesnjanosta